



Republic of the Philippines  
MUNICIPALITY OF SANTA ROSA  
Province of Laguna

- 3 -

Upang tugunan ang sahod ni G. Andres Carvajal ay  
pinagtibay ang:

KAUTUSANG BAYAN BIG. I - '88  
(Sa mungkahi ni Pang. Punumbayan Babasanta na pinangalawahan  
ni Kag. Dictado)

ANG KAUTUSANG BAYAN  
na nagtitibay ng paglalaan ng halagang ISANG LIBO LIMANG DAANG  
PISO (P1,500.00) mula sa kabang bayan upang iukol sa sahod  
ni G. Andres Carvajal, pansamantalang taga-ayos sa Pamilihang  
Bayan na itinalaga ng Punumbayan.

BUONG PAGKAKAISANG PINAGTIBAY.

APPROVED:

RESOLUTION No. 161 - '88

PROVINCIAL BOARD

April 26

..... '88

Pinagtibay:

LEO T. BUSTAMANTE  
Nanunungkulang Punumbayan

Binasa ng Kalihim ang isang Liham-Kahilingan mula sa  
Himpilan ng Pamatay Sunog na nagsasaad ng paghiling ng palaan  
upang matugunan ang kanilang pangangailangan sa himpilan.  
Dahilan sa wala pang katiyakan kung may sobrang pananalapi  
ang kabang-bayan ay iminungkahi ni Kag. Gabayan na ito ay  
pansamantalang ipagpaliban. Ang mungkahi ay pinangalawahan  
ni Kag. Dictado.

Kinilala ng kapulungan ang pagdalo ni G. Boy Almira ng  
Barangay Aplaya na humiling sa kapulungan na maipagkaloob sa  
kanya ang pamamahala ng paglalagay ng mga palaro, "carnival  
rides" at iba pang libangan sa "playground" sa darating na  
pagdiriwang ng kapistahan ng bayan sa Abril katumbas ng kanilang  
ibabayad na P12,000.00 sa pamahalaang bayan.

Hiningi ni Kag. Dictado ang hapag upang sabihing nararapat  
isaalang-alang muna ang pagtitibay dito sapagkat ang buwan ng  
pagdaraos dito ay labas na sa panahon ng kanilang panunungkulan.

✓ Sinambot ni Pang. Punumbayan Babasanta ang sinabi ni  
Kag. Dictado at sinabing maaring tanggapin ng kapulungan ang  
kahilingan at kung sakaling sasapit ang pagkakataon na mayroon  
ding magiging interesado ay maari ding ito ay isaalang-alang.  
Pinagpasyahan ng kapulungan na ang panuntunang sinunod noong  
mga nakaraang taon sa pagpili ng mamamahala ay siya ring  
susundin tulad ng mga sumusunod: a) Ang may-ari ng mga  
sasakyan (carnival rides) at iba pang mga palaro ay dapat na  
taga-Sta. Rosa at b) Ang koryenteng magagamit ay babayaran  
ng mamamahala.

Matapos pa ang isang maikling pagtatalakayan ay pinag-  
pasiyahan ang: